



柳洲詞選卷四

錢煥蔚宗

戈元穎長鳴

同里

論定

錢士賁巖燭

陳謀道心微

中調

賣花聲

蘆洲宛在樓

沈師昌

面面蘆花有路暗通漁艇幾圍環沙回水永水中天

處百尺樓孤迥。松濤柳浪忘塵境。憑欄極目遠樹
輕移帆影。夕陽斜。澄波遙映。隔垣蓮社。能發人深省。
夜分僧定傳清磬。

春恨

陳增新

紫燕來時。怎奈一春風雨。恨東君無緣作主。夢迴孤
枕。驀地縈愁緒。剔殘燈倚闌無語。薄倖征人終歲
羈留何處。問歸期。金錢莫據。腰肢消損。把年華空度。
倩子規早催歸去。

聲聲令

美人午睡

周珂

銀鈎映日竹簾迎風。困人午睡不勝濃。流蘇帳內桃
花臉。暈微紅。身在巫山十二峰。窗外一聲風弄竹。
響簾櫳。瞥然驚破淚痕溶。星眸閃閃眉山蹙。鬢雲鬆。
報道金釵落枕中。

月華

陳誼臣

晚涼小苑樹掛冰輪。水晶簾外碧雲沉。枕函光透凝
望處。彩霞新。不比嫦娥昨夜臨。桂子香侵珠露濕。
冷沾襟。廣寒宮殿鬱森森。研紅散彩照高岑。影難尋。

到天心驚斷疎砧

行香子

戲贈

蔣玉立

柳○驕○輕○烟○萍○帶○長○川○任○春○風○飄○泊○年○年○初○經○拂○拭○秋○
水○澄○鮮○便○掃○蛾○眉○掠○蟬○髻○撥○鴟○絃○一○顧○堪○憐○兩○意○
相○牽○問○行○雲○何○處○流○連○頻○遊○洛○浦○不○上○巫○巔○但○理○蘭○
橈○倚○桂○楫○蕩○華○船○

初夏

王國瑛

春○事○闌○珊○蝶○舞○翩○翩○啓○蓬○窓○萬○綠○爲○天○昨○朝○惜○別○此○
恨○纏○綿○試○摘○青○梅○參○玉○版○汲○山○泉○茶○蘩○開○了○暖○風○
吹○徹○曲○廊○前○樹○曉○鶯○眠○画○樓○深○處○聽○雨○茫○然○看○催○花○
陣○增○柳○浪○濕○茶○烟○

暮春

衆○綠○初○長○闌○草○初○忙○燕○啣○泥○幾○度○迴○翔○黃○昏○庭○院○試○
照○紅○粧○在○海○棠○前○薔○薇○畔○牡○丹○傍○蜂○釀○蜜○房○蝶○夢○
繩○床○把○松○醪○遙○餞○東○皇○軟○風○拂○面○消○受○何○方○有○錦○囊○
詩○藍○尾○酒○博○山○香○

聞蛙聲作

戈元穎

月掛涼天水護荒烟舊池塘蛙鼓喧闐公私莫問早
潦休占正青燈暗疎砧歇晚鐘連風光吳俗池館
聲偏送黃昏常破孤眠蟬賡蛩和同感年年在微茫
裡躊躇候夢魂邊

溪上卽事

錢士賁

桃浪溶溶絲裊晴空盟鷗處獨自携筇春衣催浣試
付奚童見苔痕染酒痕漬墨痕濃水流雲去相看
無盡愛吾廬近隔谿東晚厨烟翠歸步從容有柴桑
柳○柳○柳○川○杏○灤○西○松○

秋日冒雨登南屏

陳詒倫

千嶂隆隆萬壑溶溶望南屏烟樹叢叢紅飛葉葉黛
積峰峰見雁嘹嘹雲淡淡霧濛濛紺殿雍雍碧澗
淙淙鼻藍輿徑轉重重鐘聲隱隱月色朧朧奈路迢
迢非雨雨卽風風

錦纏道

重陽

曹爾堪

疎柳催黃巖桂香流晴晝晚禾酣稻畦如繡浮萍吹
斷漣漪皺白藕花殘秋架垂紅豆時節重登高青

山依舊。去年人漸成白首。問西風直恁殷勤。向東籬深處。剪破黃花口。

春閨

陳昌

綺陌香濃。小閣懨懨長晝。看平蕪天光如繡。垂楊搖曳。寒烟透。點點繁英吹入。嬌娥袖。正軟風好景。漫携纖手。桃腮紅暈。春依舊。問侍兒何處。鞦韆道。画欄東去。海棠花下有。

過鴛水園居

曹鑑平

風動鴛湖。驚起夕陽飛鷺。暫停橈試尋官渡。沿堤落葉紛無數。庭院深沉自有幽人住。歎滄桑變遷。園林如故。且悠悠共携樽作賦。又何須梓澤蘭亭。向小山登眺。到處迷烟霧。

旅况

錢炯

客舍逢秋。黃葉霜華染就。西風吹落千林瘦。紙窓向隙寒威透。蟋蟀吟愁。隱隱啼堦雷。床半欹。惟有月明依舊。炤人孤獨。黃昏後。雙眸炯炯。夢難成。把更籌數遍。寂寞君知否。

看花回

贈戈蓋臣移居

孫茂芝

有竹多松便可家。家在梅花半床書。史綠陰遮看塔。
前驥子鳩車。池塘初夢斷。春水鳴蛙。牛耳雞壇勝。
事奢絲筆流霞。權牽岸任齋疑舫。應來載酒侯芭先。
生經術久。詩正而葩。

有感

曹鑑章

屈指江山似舊時。風景無差那知道。利名暗縛槐陰。
夢裡未舒眉。紅顏今白首。覺後方知。潦倒新亭動。
客思且自啣卮。願年年到秋光好。相期鶴侶鷗隨。醉

鄉何處是。遙指東籬。

青玉案

重陽

徐遠

玉階露冷吟蟲爛。見落葉飛颺。館雁叫雲昏。簾不捲。
中秋易雨。重陽難霽。欠事真堪惋。松明小閣安排。
暖繚甕。青州貯教滿。細把茱萸情淡淡。龍山落帽牛。
山。落泪。今古誰長短。

別情

曹鑑徵

鴻聲嘹唳。霜天苦。驀然頓生離思。千里關山音信阻。

斜陽古道。曉星村樹。總是相思處。漸看蕭瑟秋如
許。漫添得傷人情緒。酒說澆愁愁不去。那堪燈下五
更聲裡。又是清宵雨。

漫題

唐虞

少年情緒傷春慣。那有句非題怨。辜負雙蛾頻解勸。
此生能幾。當杯須飲。怎賤將春看。而今憔悴天涯
半。欲寄音書倩霜翰。無限青山烽火遍。酒徒零落朱
顏銷。歇恁聽寒螿喚。

和微之懷家叔燕邸

魏允枚

澄江五月明如練。送鶴首辭鄉縣。桂子飄香垂柳變。
江南薊北。遘鴻離燕。一關情徧。車塵馬跡燕山
甸。幾度行遊壯心倦。無奈相思人不見。萼羹千里素
衣重換。只是歸來便。

寄懷馬培原年伯

朱適成

白雲遙接當湖路。見說是高人住。拂袖清風誰共語。
持齋孤榻。演經雙樹。常控青牛度。當年執友稱劉
許。屈指星霜歲華暮。理楫何時重道故。蘭抽春谷菊
香秋圃。來問蓮花渡。

送春

吳自求

園林雨過芳菲暮。怨羅襪凌波去。銀蒜銅荷沉曉霧。
屈卮初餞。東皇解組。莫道封姨妒。碧天冉冉春歸路。
無計私畱春暫住。燕惜鶯愁曾莫顧。青旗乍捲香
塵浮動。記取來年賦。

題山宜愚菴

戈元穎

霧罩湖光船未過。竟被好風吹破。樵笛漁謳聲箇箇。
萍錢綠散。蘆根青透。惟許閒鷗坐。衣裳曉濕歸雲墮。
栢子逃禪。問工課。分種籬花春雨大。青山窗外流
泉床下。慧遠中間臥。

惜別

曹爾埏

曉粧纔罷香雲擁。正臨別將心捧。解珮凌波疑似夢。
莫愁湖畔。洛神江上。惟有春潮湧。關山迢遞須珍重。
消魂最怕鶯聲弄。拾得離懷千萬種。繡簾風裊綺
窓人靜。羨殺秦樓鳳。

天仙子

送春

凌斗垣

上苑韶光餘幾許。青帝暗催嘉節去。問春何故便拚

歸花誰主。飛紅雨。乳燕呢喃鶯倦語。無計畱春春
不住。望斷江南芳草路。松門密蔭繞簾櫳。愁無數。凝
眸處。回首斜陽遮綠樹。

閱花影集得十影詞戲和之 王蔚章

山閣半啣殘照影。烟鳥爭歸林外影。黑甜時候响簷
箏。驚夢影。搖燈影。庭鎖夜香迷蝶影。瘦竹肥松人
動影。小犬隔花勤吠影。落紅片片顫春寒。葉弄影。風
梳影。笑遣侍兒探月影。

雪夜登孤山

陸樹駿

萬里江天光一派。凍合瓊樓塵不礙。扁舟乘興艤孤
山。醒未解。胸瀟灑。放鶴亭前游屐再。塔影重重銀
作界。匹練微茫還自在。誰言我是剡溪回。山水中天
地。外處士梅花如有待。

秋閨

施鑒

蛩聲填出離愁譜。斜日垂簾紅一縷。爲誰收拾上眉
尖。無人處。深深語。天涯往事難重數。一片秋蟾林
額吐。不道歸期已過五。晚雲陣陣捲愁來。閒庭宇。黃
昏雨。燭花照夢魂無主。

帶人嬌

送春

毛 榘

花○落○花○開○裊○裊○遊○絲○百○尺○縮○不○住○春○光○九○十○鶯○聲○漸
老○欲○轉○嬌○無○力○回○首○望○綠○樹○黛○烟○同○色○堪○歎○而○今
已○成○疇○昔○簾○外○燕○子○雙○飛○急○呢○喃○画○閣○對○儂○如○相○識
腸○斷○處○最○是○黃○昏○人○寂○

江城子

旅泊偶懷

王 屋

滿○窓○風○雨○酒○初○醒○泊○寒○汀○晚○潮○平○雲○外○孤○鴻○嘹○唳○兩
三○聲○無○限○故○園○清○夜○夢○楊○柳○岸○月○當○更○橫○塘○百○里
幾○郵○亭○數○歸○程○疾○行○行○遙○想○玉○人○含○笑○出○花○迎○一○洗
十○年○流○落○恨○天○有○意○蚤○開○晴○

村居

沈 泓

長○堤○烟○柳○隱○虹○橋○弄○笙○簫○伴○漁○樵○醉○倚○楓○林○仰○面○掛
詩○瓢○釋○卷○正○逢○秋○水○漲○臨○古○渡○放○輕○舫○夕○陽○西○下
暗○窓○綃○雁○聲○高○笛○聲○遙○碧○簾○涼○生○細○雨○燕○辭○巢○隔○岸
篝○燈○人○就○泊○沽○濁○酒○短○扉○敲○

遊北山草堂

魏允枚

碧江春靄景遲遲。杏花飛。柳烟低。三五相將移棹向
麟溪。雨雨風風無定準。風似剪。雨如絲。主人開讌
北山垂。折瓊枝。泛金卮。猶記去年探桂醉亭池。月冷
露。迷。秋。未。杪。曾。幾。日。已。經。時。

秋感

龐椿

濤笈芳訊久蹉跎。惜春過去猶梭。玳瑁樓空轉憶踏
燈歌。月滿關山應未到。從別後。近如何。蓮衣零亂
夜香多。舞雙蛾。侑青螺。簞滑桃笙秋夢陟嗟峨。遙望
澄江楓葉路。愁渺渺。晚來波。

閨思

蔣睿

夜寒風急度征鴻。露濃濃。月溶溶。何事砧聲偏傍小
墻東。聽徹麗譙銀箭永。人不見。画樓中。幾多愁緒
倩誰通。羨相逢。惜相逢。回首長亭。衰草。空。記得
當時從此去。疑望處。斷霞紅。

寒齋

朱以洽

門開簌簌半簷霜。菊畦荒。木奴香。貪眠晏起。古樹蚤
暄黃。針竇漏寒風力緊。裁舊曆。補疎窓。敲冰篝火
淪壺觴。過隣莊。探梅忙。輕移蘭盞。就暖近銀缸。晴雪

層層看不了。枯荻裡繫漁航。

千秋歲

午日

袁毓祺

飄殘榆莢。又是天中節。蒲雨霽。蘭香澈。辟兵繒暗祝。
長命絲偷結。闢草處。蛙聲叫斷池塘月。艾虎招新
纈。菰黍沉鮫穴。花正午。愁如雪。淒涼風土記。播曳湘
波楫。斜照外。鷓鴣夷江冷。千年血。

秋晴

陳學謙

蛩吟穿砌。一望前林霽。微雨過。輕雲曳。夢回花外遠。

日落峰頭麗。風緊也。蘅皋歸鶴橫空喚。載酒論文
地。共鼓晴江柁。菰米熟。蓴絲脆。烽清禾黍足。砧急孤
城閉。秋漸老。平沙草白。笳聲細。

憶帝京

維揚懷古

陳昌

維揚三月春風麗。吹遍落紅繞砌。何處玉簫聲。驚起
鴛鴦睡。杜牧十年愁。狼籍花滋味。隋帝迷樓排雲
際。龍舟錦纜忘歸計。翡翠香消綺羅夢斷。只恁芳草
斜陽地。八月廣陵濤。澆我離人淚。

離亭燕

咏燕

柯聿

趁得東風飛絮。來認杏梁雕處。留下舊巢。渾不改。且喜主人相許。新補野芹香。竝立綺窓。喃語。社酒甫經殘暑。又是簷風疎雨。王謝玉樓成草舍。漫聽旗亭金縷。海外故鄉。遙斜日。捲簾歸去。

薔薇

周振璜

架上鮫綃初剪。試看暈紅深淺。自是粧成。憐瘦影。却把臙脂濃染。錦帳更風流。合德生香。吹遍。一帶柔條凝艷。綠刺細垂深院。買笑黃金。頒內府。故故含顰相見。薄倖恨。東風絳雪。吹殘千片。

芙蓉夢

秋思

施鑿

從前不諳孤眠味。那更夜長人醉。流螢點點。飛剛映。相思字。撩人最是。搗衣秋。疎砧霜下。思歸淚。捲簾望斷。征鴻處。月小山無際。千斛閒愁。一番秋信。倚枕。渾無寐。好夢欲行還。又被雞聲。畱住。

何滿子

村居

王綸

極目遠山如黛。亂雲點點寒侵。曲曲板橋橫小艇。溪
流環繞孤村。千樹木奴初熟。一樽濁酒微溫。松菊
淵明舊徑。蓬蒿仲蔚閒門。稚子敲針晴倚釣。老夫抱
甕高吟。惆悵繁華似夢。何妨幾度登臨。

冬郊晚眺

朱夢來

樹色全消高隴。溪聲半枕平沙。携杖閒看郊外景。蒼
茫逸興方賒。一葉迎風客棹。數村背水人家。渚白
無妨載酒。籬黃何處尋花。片片寒雲歸遠岫。飛來林
額周遮。嘹唳孤汀落雁。淒涼滿目歸鴉。

代人惜別

陳謀道

風捲前林落葉。烟迷柳外長亭。一曲陽關三疊後。別
離多少深情。况復暮雲歸岫。南鴻嘹唳難聽。回首
故鄉風景。淒其驛路光陰。匹馬殘陽前去也。秋來魚
素沉沉。惆悵相思舊譜。翻成哀怨新聲。

傳言玉女

夜坐

陸淮

門掩黃昏。誰把疎簾斜揭。驚鴉欲定。看孤燈明滅。松

竹影亂。画角乍吹還咽。一庭花露。半窓霜月。漫卷殘書。遠鐘聲到又歇。滿天星斗。忒煞清光似雪。傷懷疇昔。剛剩斷碑殘碣。悲淒况有五更啼血。

春暮

周珂

薄倖春光斷送。韶華無數。花開花落。又依舊歸去。離人不定。渾似綠楊飛絮。半樓簾幕。半隨流水。嬌鶯乳燕。似惜東君將暮。依依綠樹。遮斷郎歸路。高樓極望。一騎紅塵飛度。那人疑在槐陰深處。

品令

詠螢

魏允植

風亂星星影。乍疑遠。俄成近。熹微不定。聚時榮合。散時孤另。香杵紋砧。長伴佳人桐井。漏沉宵永。望明滅常耿耿。偶來金閣玉階也。向葭汀柳徑。異地同光。分取月華燈景。

陽關引

送人出塞

陳哲庸

古道寒風冽。塞草荒烟結。陽關萬里真淒切。聽蕭蕭牧馬。踏碎冰如雪。總腸斷。誰想到咫尺竟吳越。莫

說成樓邊。笳聲咽。只江城柳。牽愁緒。惹攀折。看故人
分袂。從此音塵絕。嘆人生。如夢最苦。是離別。

風入松

江上值鄉人

陳龍正

滿江烟柳翠屏寒。關市幾回看。行舟間是鄉人語。盡
萍踪相對如單。昨夜參差帆櫓。今朝迤邐江干。平
生聞道客遊難。非故愛盤桓。東風偏自吳門發。恨波
濤掩珮珊珊。猶去故園千里。倩誰先報平安。

春閨

曹爾坊

細腰難禁曉風尖。催放水晶簾。蝦鬚一幅畱春在。幽
蘭畔玉笋纖纖。潮印半侵紅藥。手香初剝黃柑。淡
羅衫子索頻添。小幔捲銀蟾。鴛鴦針線無情緒。私心
問柳卜花占。小疊紅箋未穩。偷將恨字輕拈。

詒穀堂漫興

戈止

生涯應作浣花翁。事事疎慵。結廬恰喜塵囂外。栽花
地。雨碧霜紅。家在亂雲深處。人來流水聲中。年年
相識舊東風。排我小簾櫳。榆錢落盡萍錢綠。奚囊在
不。畏詩窮。夜泛試移短棹。曉眠常過高春。

祝英臺近

數花軒卽事

朱廷旦

暖雲濃。層霧薄。小閣看花醉。寂寂寥寥。望裏遠峰邃。
去年插柳堤邊。今春烟蘸似。只許流鶯來睡。應重
記。巡簷迎送。東風披衣坐空翠。半枕陶詩。幅掛米顛
字。座間涼月水絃。山扉未掩。亂香裏故人剛至。

夏日見營巢燕偶成

曹鑑章

棟花風。荷葉雨。庭院深深許。燕子低飛。長竝雕梁住。
落泥滿地平鋪。蘭闥岑寂。鷲牽着相思情緒。身衣

路尋故壘與新巢。踟躕弄雙羽。那管人愁。只解呢喃
語。是伊將却春來。伊還未去。竟不道春歸何處。

一叢花

美人學書

孫復煒

歲華深鎖小庭幽。排悶展香篝。輕研墨霧蕉陰裏。停
黃聿。幾度凝眸。頻疊紅箋。剛題本意。心上更加秋。
衛家家法問誰儔。筆陣舊風流。怎生羞下鴛鴦字。又
何事。鐵畫銀鈎。孤雁乍來。雙魚甫便。倩寄碧雲頭。
送我入門來

春暮

李 炯

薄雨餞春。濃陰醉午。半灣流水人家。僧來峰頂。初寄
小蒙茶。綠鬟趁日拈飛絮。有紅袖含顰。數落花。此
景江南獨絕。更見渡頭柳外。掩映鈿車。踏青香陌。勝
事十分奢。閒愁日日沾隣釀。羨清夢時時上釣槎。

御街行

南陽道中午日

魏學渠

征途盡日悲羈旅。經幾陣黃梅雨。初逢晴色捲簾看。
佳節恰當重午。湖光如鏡。綠蒲新長。一帶迷南浦。

龍舟兩兩喧簫鼓。望遠岸榴花吐。誰將蕭瑟弔靈均。
江畔爭沉菰黍。遙思故里。辟兵長命。雙縮同心縷。

金人捧露盤

咸陽懷古

褚 偉

據秦州。包隴塞。扼函關。幾英豪雄視人寰。阿房一炬。
紫烟經月燼。驪山漢家事業。歲幾。絃着史馬書班。玉
杯覆。云亭杳。金屋冷。曉鐘殘。仙莖露空滿。銅盤五陵。
無樹。寶簾飛燕出。民間秋風裏。浩歌驢背。回首長安。

贈校書

王 綸

遠山輕。秋波媚。綠雲濃。荳蔻香含細細風。平康靜悄。
紫絲玉勒控青驄。金樽碧月沉絃管。三輔英雄。紅
攏。錦步幃。珊瑚枕。碧紗籠。昭陽飛燕出花叢。巫雲
楚雨。仙郎疑在藥珠宮。底多少。相思幽恨。夢裡情通。

建業

陳謀道

記金陵繁華地。艷陽天。正春堤芳草芊芊。青樓十二。
玉簫金管。醉嬋娟。王孫躍馬揮鞭處。綠暗紅嫣。到
而今音信杳。思往事。憶當年。恨春來依舊河山。歌臺
舞榭。六朝宮闕。半蒼烟。寒江深樹。月明裏。只有啼

驀山谿

雪意

陸 邨

花開萬木。霎地瓊瑤。遍埜任剪絲。隋宮儘粧來。元輪
淡雅。詰難描寫。對酒憶當年。郢調在歌高下。又道知
音寡。此情此景。是十分瀟灑。詩思灞橋頭。還似那
山陰。月夜釣竿江上。試把問先生。空碌碌何爲者。不
如歸去也。

九日家園登高

沈受祉

晴。天。空。潤。一。望。青。無。際。添。幾。樹。丹。楓。與。春。華。爭。妍。鬪。

媚林疎葉脫。村落遠相連。真有意。黃花破。點綴高秋。
麗。橫斜雁字。雲外飛。依序如我弟兄。儔羽。觴間天。
倫。以次茱萸。插遍看舞袖。峰前松樹底。休言醉。還有
懷人句。

代牡丹寫恨

潘炳孚

洛陽人氏。年紀初芽蘗。三兩共成行。未許得他人攀。
折花魂。月魄素影舞輕姿。飛瓊雪。噴猩血。冷眼欺蜂。
蝶。亭亭嫋嫋。不是憑枝葉。無奈浪擔名。道富貴。叢
中班列。世間富貴何處可安排。埋金穴。朝銀闕。羞死
空磨滅。

秋夜讌集

朱適成

芙蓉桂樹滿眼秋容瘦。蕭瑟起新愁。更空庭月明似。
畫金波。漱灑屈指近中秋。欣邂逅。逢知舊。且把浮丘
袖。班荆載酒。花底移相就。痛飲不勝情。儘今宵嚴
城促漏。歌聲戛石。意氣若無人。斟醇酎。爲君壽。北海
交何厚。

紅林擒近

贈人

錢 熾

言邊
卷四
世事浮雲薄。片心秋水光。寶鏢將離匣。中宵動清霜。
堪笑淮陰垂釣。何必吹簫市傍。須教一飲千觴。醉裏
聽銀簧。蹀躞紫駟馬。調笑邯鄲倡。揮毫授簡。詞華
直逼齊梁。新豐寒雨夜。馬周猶困飯牛歌。罷月昏黃。
最高樓

題画竹

計善

空齋內。閑挂兩三竿。勢已出雲端。疎影自疑龍化晚。
淺叢猶覺鳳餐寒。幾多時。風浙瀝。雨檀欒。盡一會
阮公林下醉。熟一會王公庭下睡。清瘦質。總平安。紙
枝不爲秋霜重。枯梢常寄曉烟殘。寫人人。添个个。試
分看。

春閨

錢嫌

銀閨曉。花暖拆初函。紅上侍兒簪。深愁幾度彈文鵲。
薄粧應爲浴新蠶。問流光。春九十。已過三。方織罷
回文機上錦。又繡得。砑羅茵。畔枕風剪剪。柳毵毵。多
時卜信藏蛛子。無心鬪草賭宜男。憶征人。曾有夢到
江南。

早梅芳

漁父

沈 煌

柳陰深。啼鶯好。花外斜陽到。茅茨臨水。一片湖光。扉
上照。前村漁父至。釣得鮮鱗小。話風潮。昨夜一枕孤
蓬曉。當此際。江湖道。反覆應難了。怒蛟夜舞。火落
珠飛。濤屋表。悔經商。隔歲。利逐龍宮杳。整漁竿。且自
開懷抱。

上元

魏允札

卯色開。流光駛。又是元宵矣。千門然炬。月白霜寒。靜
如洗。傾城珠翠合。夾道笙歌起。正肩摩。轂擊處處遺
簪珥。漏將闌。遊未已。人醉東風裏。香車寶馬。歷亂
餘芬散。羅綺鰲山圍。火樹陸海誇。燈市最銷魂。芳塵
三十里。

千秋歲引

麗譙

夏允彝

澤國微茫。海濱寥廓。萬堞孤城。逼天角。雲外龍車隔。
樹懸霜。前雁字。當窓落。亭城花。秦山月。都蕭索。刺
史風流。携琴鶴。刺史風流。倚軒閣。醜酒新亭。幾忘却。
三泖沙明。繞郡樓。九峰嵐翠。扶村郭。銅壺響。曉更催。

宛如昨。

拂霓裳

甲申感事

徐石麟

望中原。故宮錦樹障蠻烟。驚坐起涼宵。夢斷蔣陵前。
金人傾寶篆。玉女繡苔鈿。問當筵有誰能醉擊。漸離
鉛。西臺哭罷。三戶裡識遺賢。歆皂帽吹簫乞食總
堪憐。英雄身未死。屠釣技常兼。更何年許青門瓜種。
故侯田。

洞仙歌

塞菴相國貽南華經詮

支如璿

文章化境。誰及蒙莊叟。筆底描風真妙手。看先生又
向風裏尋空。通明處。吹破千年墨藪。併麟書密諦。
金粟玄詮。透徹中邊。為人剖。此不煩墨守。彼免輪攻。
大陶冶不分。然否。迨誦四箴。寬簡虛平。見學術充符。
直據所有。

登要離墓

顧理美

茫茫世路。誰是真知己。覆雨翻雲薄似紙。嘆恩仇大
義千古難明。君休矣。莫把壺漿牢記。看要離報主。

俠士胸中解感恩何惜妻子憶當初也曾庭辱菑丘
只不過肝腸如矢百年後畱荒塚空山還動得高人
伯鸞心裡

江都恨

夏完淳

珠簾昨捲漏春光一半廿四橋烟花恨滿久傷心古
國鴻雁來稀長江畔古艷陽瓊花觀望隋堤一抹
楊柳依依明月迢迢隔河漢露滿玉衣秋夜漏沉沉
催刀尺傷心腸斷淚滴金壺紅粉怨偶一夢到南朝
亂敲銀蒜

華胥引

自題益睡菴

沈受祐

山多虎豹水滿萍蓬向誰問道瓦枕繩床窮年倚傍
腕一覺合眼猶恐閒思痛飲資昏眊殺盡鳴雞大家
都沒分曉日上三竿不知窓影花顛倒雪飛六出
也不經營暖飽那管炎涼啼笑自甘菴小願學希夷
黑甜鄉擬終老

江城梅花引

夜雪

錢繼振

修篁一夜入簷隈。是誰催。雪相催。起趁梅花。獨自步
閒階。雪又不。停風。又緊梅。壓竹。竹欺梅。兩相猜。柴
門柴門不能開。玉成堆。粉成堆。槭槭瑟瑟。吟不穩。洗
盞傾醅。忽聽籬邊。剝啄響蒼苔。童子急將三徑掃。東
谿叟爲詩來。爲雪來。

聞笛

計能

笛聲何處起。高樓是歡遊。是閑愁。繚繞清風。使我欲
悲秋。螢冷不飛。孤雁遠。碧天裏。淡茫茫。江水流。水
流水。流生旅愁。維小舟。舉一甌。聽也聽也。聽不斷。銀
月如鉤。三弄寒空。一片白雲。誰都道。梅花春落也。今
識得有。梅花。落不休。

秋閨

麗椿

倚闌無緒。恨茫茫。惜春光。又秋光。手捲簾鈎。彈淚濕
流黃。楓乍醉。時秋漸老。孤鴻度。一聲聲。總斷腸。斷
腸斷。腸靜焚香。夜初涼。漏初長。坐也坐也。坐未足。月
上銀床。惟有半庭花影。訴寒螿。永夜爲郎添瘦損。誰
道是怯金微夢裡霜。

魚遊春水



